

雜症會心錄

二

雜症會心錄上卷目次

魂魄論

審虛實

知生死

中風

偏中

眩暈

燥症

濕症

頭痛

暑症

喘症

咳嗽

時氣咳嗽

吐血

肺癰

肺痿

胎瘡併三日瘡

痢疾

攣症

膈症

盜汗

脉間止變喘滿症論

嗽症

驚症

胎中

蛆症

吹土天

中風

胎動論

產後實

華英會公驗土卷目次

頭痛

頭痛一症病家視其微疾而忽之醫家審其微傷而妄治之藥投而病漸增病增而藥愈亂束手無策待斃莫救此辨之不可不早辨也夫經言外感有頭痛內傷亦有頭痛豈容混治而無所區別第外感頭痛有痛在陽經有痛在陰經如太陽陽明少陽頭痛屬陽經厥陰頭痛屬陰經然其初發必寒熱其背必酸痛其項必強痛其目珠額前痛其耳聾兩脇痛其脉必緊數其厥陰無身熱嘔而吐沫若素無頭痛之

患而忽然暴發痛兼表症痛亦隱隱及按之摩之縛束之而痛不定者乃外感之頭痛治在風池風府調其陰陽汗在表而散在巔清在陽而溫在陰也內傷頭痛有痛在陰虛有痛在陽虛如火升巔頂作痛者必煩燥內熱面赤口渴大便秘結其脉必大數而空或細數而弦屬陰虛如寒冲髓海作痛者必羞明畏寒手足厥冷面多青慘大便溏泄其脈必細遲而微或虛大無力屬陽虛然其初發無寒熱無急痛不可忍其精神必倦怠其飲食必不甘若素有頭痛之患

忽然暴發痛無表症陰分痛甚及按之摩之縛束之而痛稍緩者乃內傷之頭痛治在水火二藏調其營衛補真陰而益元陽病在上而治在下也夫六府清陽之氣五藏精華之血皆會于頭爲至清至高之處故爲天象謂之元首至尊而不可犯者也凡手之三陽從手走頭足之三陽從頭走足以爲常度則無頭痛之患苟外因風寒霧露之觸內因痰火濕熱之薰及偏正頭風之症雖痛不見殺人於數日之間而殺人于數日之間者則爲內傷之真頭痛也蓋腦爲神

藏謂之泥丸宮而精髓藏焉。人生精氣實于下則髓海滿於上。精神內守。病安從來。無如以酒爲漿。以妄爲常。醉以入房。以慾竭其精。以耗散其真。致腎氣不充而髓海空虛。腎陰不足而陰火冲逆。腎陽不壯而寒氣通腦。醫者不達其故。復投羗防辛芷之屬。溫之散之。夫既虧在陰矣。我又從而溫之。不益虧其真陰乎。既虧在陽矣。我又從而散之。不愈虧其真陽乎。無怪乎變症蜂起。痛極而厥。吾見神爲之昏。目爲之定。牙爲之噤。舌爲之黑。面爲之戴陽。手足爲之抽掣。語

言爲之謔。妄斯時。真知其虧在陰也。則用六味歸芍湯。加人參。童便之屬。壯水之主。以鎮陽光。真知其虧在陽也。則用八味養血湯。加人參。鹿茸之屬。益火之原。以消陰翳。此症尤惟婦人血海空虛者。多有此患。安可不法內經精則養神。柔則養筋之旨。而以補元氣爲汲汲耶。奈何庸碌之輩。不明肝腎爲髓海之原。精氣爲神藏之根。一見頭痛。概以傷寒目之。濕熱疑之。食滯謂之。人事清。則曰病在傷寒。三陽經。人事昏。則曰病在傷寒。厥陰經。及至病勢危篤。險症疊見。醫者

尚引傷寒書需待用藥不知病者竟以頭痛劇而頃
刻亡醫術不精悞人性命有令人不寒而慄者矣夫
痛在經者輕而易治痛在藏者重而難療若頭風而
害目者肝陰虧則內風動搖邪害空竅痛在經也頭
痛而昏憤者腦藏傷則神志失守心火不寧痛在藏
也頭痛而痰厥者陽虛則氣寒而飲聚陰虛則火熾
而液凝經脈不行陰陽之氣不相順接也頭痛而積
熱在陽明實火實痰爲虐脈洪數大而有力者則又
利於清涼攻下也頭痛而紅腫壯熱口渴脈浮數而

有力者此大頭天行時熱之邪。宜從疫法治也。頭痛而手足寒且青至節脉懸懸欲絕者此危脫之症旦發夕死夕發旦亡不及藥治藥亦不能治也。予因閱歷頭痛之害病家之愚醫藥之誤傷人之速故作是篇敢謂後學之準繩亦令其觸目警心不敢以人命爲兒戲耳。

頭痛一症諸說紛紛皆擇焉而不精語焉而不詳得此暢論至言而羣言可廢

六味歸芍湯

見中風

八味養血湯 見眩暈

貞元飲

熟地

錢五

當歸

錢三

炙甘草

錢一

水二鍾煎服

定痛明目飲

治頭痛目生翳膜紅腫如破

生地

錢五

龜版

錢三

當歸

錢三

白芍

錢一

分五

石斛

錢一

丹皮

錢一

菊花

錢一

夏枯草

錢一

羚羊角

水磨沖入

加桑葉五片煎好童便一杯沖入

救元補髓湯

治頭痛昏憤心主不明則十二官危

此方救之

熟地 五錢 人參 三錢 當歸 三錢 紫河車 一錢

茯苓 一錢 去冬 一錢五分 棗仁 一錢五分 熟附 五分

鹿茸 一錢 五味子 七粒 加桂圓肉 五枚 水二

鍾煎服

醒迷湯 治頭痛厥逆痰聚脰絡目定口噤手足冷

遇肘膝陽氣虛寒者宜之

人參 三錢 白朮 二錢 當歸 三錢 茯苓 一錢

白芍 一錢 半夏 一錢 杜仲 二錢 陳皮 八分

棗仁 一錢 炙甘草 八分 川附子 五分

加大棗三枚煨薑三片水二鍾煎服

普濟消毒飲 治大頭天行紅腫壯熱口渴脉有力

等症此方主之

黃芩

五分 酒炒

黃連

一錢 酒炒

人參

一錢

橘紅

五分

元參

五分

生甘草

一錢

桔梗

一錢

鼠粘子

八分 炒

柴胡

五分

薄荷葉

六分

連翹

八分

板藍根

五分

馬勃

五分

升麻

七分

白僵蚕

七分 炒

右爲細末半用湯調時時服之半用蜜丸噙化

服盡良愈

或加防風

川芎

當歸

薄荷

細辛水二鍾煎一鍾食遠稍溫服 如大便鞭加
酒蒸大黃一二錢以利之或熱腫甚者以砭針
刺出其血 心悟云骨虛加人參五分又云此
症須用貝母人中黃荷葉爲妙發願症倍柴胡
丹皮喉嚨腫痛倍桔梗甘草

既濟豁痰湯

治頭痛厥逆痰聚脘絡目定口噤手

足冷不過肘膝陰虛有火者宜之

生地 三錢

白芍 一錢

茯神 一錢

鈎藤 一錢

丹皮

一錢五分

當歸 二錢

栢子仁 一錢

棗仁 二錢

龜版一錢

竹瀝十匙水二鍾煎服

暑症

今夫夏日烈烈爲太陽之亢氣人觸之者則生暑病。然有靜而得之者爲陰暑動而得之者爲陽暑症各不同。治法迥別。非古法香薷飲一方可以盡之也。陰暑症富貴安逸之人多有之。因畏暑而貪涼食瓜果而傷臟也。身貪涼者內空虛而外寒乘之。食瓜果者脾胃寒而吐利作焉。其症不壯熱其口不渴飲其脈或細弱或虛大爲辨。即脈虛身熱爲傷暑者是也。陽暑症藜藿勞苦之人多有之。因受暑而中熱熱傷真

陰其症頭痛大熱口渴大汗其脈或洪大有力或洪數有力爲辨即因於暑體若燔炭汗出而散者是也。陰暑者宜溫補補中益氣湯生脈散之屬陽暑宜清熱六一散之屬受熱而體虛者六味湯之屬爲合法也。蓋暑熱傷氣益氣而暑自消暑熱傷陰益陰而暑自退。值此陽氣外泄之時毛竅疎通暑氣易入不救本源而從事於攻邪真不明邪之所湊其氣必虛之旨耳。

陰暑陽暑辨別極清益氣益陰治法尤妙